

全 球 第 一

療貧救情

強種富國

THE SINGER MANCO

TRADE MARK

本公司創設業經五十餘年乃招集五洲富商巨賈而成資本九千萬金元製造廠八處支店共有千餘家現計各式縫紉機器不下三百餘種銷流之數日增月盛就歐美兩洲而論每年約銷二百萬架執此推求足見縫紉機器一物誠爲療貧救情之利器齊家治國之靈丹也近日中國人士多其然上等著購置一具爲餘閒消遣亦利便家常下等者藉之製靴造鞋做帽繡花縫衣等用以贍室故風氣大開消流日廣性近日貨項次貨混充市上魚目容易混珠須知本公司以S字中加小爲記包教包修保險五年登門學習備有師匠不取分文分期付款一切極便聞秀各媛另有女眷接指陳請移 玉步

天津法租界
北京崇文門

勝家公司謹啓

天津法租界
北京崇文門
勝家公司謹啓

正致敬讓其先行

(未完)

宮門抄

閏四月初四日 吏部 翰林院 正黃旗值日無引 見
陳璧由 東陵回京請 安 召見軍機
閏四月初五日京電本日 召見軍機 無閣抄

西電

◎西五月二十六號柏林來電

▲德內務大臣之言 德國內務大臣在議院演說德奧義三國聯盟依然鞏固又英德兩國所誤會之問題現已明白解釋德國現在所施行之政策實以維持全球和平為宗旨云

▲俄皇對於大赦之意見 俄皇對於議院大赦之要求雖有反對之意然於全國輕罪之人則可允釋放

▲俄政府防備議院 俄國議院近有暴動之象故俄政府特增派守備隊嚴行防範

▲英皇定期遊歷奧國 英皇現致書於奧國馬蘭巴德地方官擬於西八月間前往該處遊覽按該處風景頗佳足為遊目騁懷之地

▲德首相之行蹤 德國首相步祿親王現已行抵那洛丹路地方

要聞

▲紀英外部宣言中國派員督辦稅務事

探聞政府昨接英京電報云英外部大臣日前在議院宣言中國政府特派管理稅務大臣 係屬中國內政 於國際問題 並無關係 至中國前此與外國所立借款合同已聲明如此合同未廢之前該管理人不得更換今 中國亦并無更換該管理人之意 云云由此觀之英政府對於此事並無違言中國政府亦實無他意存於其間而外國紛紛傳說各國公使協議要請收回成命等語實皆風影之談不可信也

▲德華礦務公司之要求

青島來函云德華礦務公司日前呈請德國駐山東領事致函東撫要求允許該公司 購辦煤礦焦炭煉鐵三事按中德立約時原有附近膠濟鐵路三十里內華人不得開採礦產一節現據德領事函稱擬於附近鐵路三十里內准華人用土法開採此項礦產互換利益聞楊中丞以此辦法於華人礦業不無裨益擬即電咨政府請示辦法云

▲紀函述騰緬鐵路事

雲南專函云英人現向滇督要求修築緬甸至騰越之鐵路丁制軍以滇緬鐵路尚未有款而騰緬一路關係重要又無財力足以自辦擬即允許 由英籌款開辦訂立詳細合同定以年限由中國贖回聞滇紳以

如此辦理所失利權甚大擬合力抗爭云

▲新購砲艦定期進水

北京專函云初三日東京電稱中國前在日本川崎船廠訂購砲艦六艘現已造成一艘定於本月二十八日舉行進水之式其餘五艘亦可刻期告成

▲電告西亂漸平

政府前因廣西平樂梧州兩府境內匪熾甚熾會經電飭粵督派兵勦辦日前接據粵督電稱 平梧亂事 自派兵分投防剿後已漸次平定不致為患

▲豐城大堤被水沖決

江西專函云豐城縣距南昌省一百八十里地居上游該縣小港口龍王廟有大堤一道長二十餘里忽於十一日被大水沖倒三十餘丈 水勢洶湧波及清江高安等縣淹沒房屋田廬不計其數傷害人口牲畜亦多現仍陸續坍塌勢極危險

▲義甯州會匪滋事

江西專函云南昌府屬義甯州地方與福建平江縣接壤向為會匪出沒之區此拿彼逸鮮有所獲前因開山採茶招集人夫萬餘而久雨不霽停採多日米價陡漲 會匪乘機煽惑糾合多人搶毀米店兩家遂有焚毀教堂揭竿起事之謠現經地方官力籌平糶稍覺平靜已將滋事情形稟大憲矣

▲電阻某國在福州招工

北京來函云現聞有某國在福州招募華工出洋 政府以上年德人在汕頭招工未經議訂章程會經電飭粵督阻止現某國在福州招工 亦未先訂專章昨已電咨閩督切實駁阻以衛人民

▲喀拉沁王偕同肅邸查辦事件

北京來函云此次肅邸自喀拉沁查辦時有喀拉沁王及蒙古某王偕同肅邸赴哈達達助一切頗資得力按喀拉沁王人極開通於學務商業竭力倡導不憚煩難蒙民之智識日開皆王之力也今肅邸查辦事件必能相得益彰惟是否僅赴哈達達抑與肅邸周歷各旗則未之悉

▲王侍御疏陳學警兩部事宜

聞王侍御步瀛以學部警部設立以來學務警務漸有起色惟一切事宜尚恐有未盡完備之處擬即上疏陳奏兩部事宜以備采擇

▲本埠新聞

●車站紀事○練兵處王統制士珍同陳觀察友璋於初五日由京乘早車來津又金華府松太守亦乘是車來津又前出使

法國公使孫京卿寶琦於初四日由津乘晚車回京又保定巡警總辦吳觀察錢孫於初四日由省來津又戶部造幣廠總辦瑞部郎豐江太史志伊均由京乘早車來津又吉林候補道趙觀察宗瀚由京赴吉林又前任河南府觀察象振交卸由河間來津又江北營務處觀察沈汝由江北來津

●學務處批示二則○寶坻縣師範學生王亦民等稟公舉總董懇賞札文以重學務一案 批候行安議具覆以便酌派至副董名目定章所無未便添設仰即知照○任縣師範學堂二齋卒業生耿振等稟請紳強橫阻礙學務印恩重懲一案 批已據該縣高等小學堂學生具稟行縣另舉接充矣仰即知照

●官場紀事○開缺廣西布政司張方伯廷煥住福星棧沙河縣文大令元清苑縣羅大令正鈞武邑縣黃大令震均住吉升棧武清縣周大令登輝住明遠棧新補靜海縣劉大令炳炎住扒頭街交卸海關道觀察紹基於初五日上院稟見

●關道接印○正任津海關道梁觀察敦彥於初五日已時接印任事

●押運餉銀○北洋轉運局派差郭連科於初四日押解餉銀八千一百六十兩銀洋七千十元運往錦州交第三鎮收納

●銅元運京○戶部造幣廠派差於初五日由津押運銅元二百七十萬枚前往北京

●呂尊新政○縣尊章大令因傳案限票每多稽延昨日特諭各科房轉諭十班頭役每逢信票標出後各差役須按票標限定期時將原被告傳到並需於票上註明以備提訊不准稍涉稽遲致涉訟者因之拖累違則究懲不貸云云

●委解河工款項○賑撫局憲於昨日委員由津管解現銀三萬七千餘兩運往永定河以備河工應用

●裁撤柳樹○俄國租界地方現因日光之熱力甚大經工部局將馬路兩旁柳樹若干株以為遮蔽云

●發給巡捕工薪○頃聞奧捕官分諭四段華捕均於本月初八日下午兩點鐘齊集捕署聽候按冊發給工薪至於站崗各兵亦須輪替具領云

●修理大橋○河北買家大橋為通衢要路近來該橋異常傾圮頗有塌陷之虞刻經工程局派苦力若干名興工拆修矣

●恩赦罪犯○小淀村罪犯宋世安前因命案囚禁縣監刻逢恩赦將特將宋由監提出當堂開釋開釋後並追繳理葬銀二十兩俾該屍屬具領矣

●嚴究兇手○河北金家窩呼都或善升被張印堂咬傷身死一案業經該縣驗明一面將張帶縣管押嚴加訊究一面飭屍妻呼楊氏備棺收殮云

北京新聞

●加給值班司員津貼○現在 兩宮駐蹕頤和園所有兵部軍駕司及提報處司員每日有園庭承領廷寄摺件差使甚繁經費不敷昨日兵部徐大司馬特諭飭取支處總辦所有值班司員一律加賞津貼每按五日一班每班由收支所發給銀十兩前往值差不得曠誤

●南學畢業生由學部考試○國子監南學生現已畢業者頗不乏人惟學部以考試此項畢業生尚未訂定章程是否應派大臣考試抑即由部照例考試未敢擅定日前特將情形具摺上聞茲聞已奉 諭旨著學部照例考試矣

●光祿寺考試司員○聞光祿寺堂官議定於五月初一日將

本署實缺候補署正筆帖式一律面加考試分別註冊俟有缺出均按考列等第擇升以昭平允

●高主政審判刑事○外城巡警總廳昨日傳知各局現奉警部堂諭豫審廳刑事審判官著刑部候補主事高祖佑暫署云

●總稅司照請巡警保護信櫃○巡警部接准總稅務司咨開擬於京城內外推廣郵政添設信櫃請飭各巡捕一體保護等因巡警部接准後特飭總廳通諭各局所有外城東西地面共添設郵局信櫃三十處該處巡捕須隨時照料保護云

●奏請整頓國民捐○自津埠熱心志士創辦國民捐以來京師繼之外省亦有聞風興起者聞王侍御步瀛昨日具摺奏請將此項國民捐力為整頓俾竟全功云

●擬設大宛小學○聞日前大宛兩縣紳董會議籌集捐款設立大宛小學堂一所現已擇定在西河沿大宛試館內開辦倘款項不敷即在畿輔學堂經費內暫提應用大約不日即可開學矣

●嚴禁私錢○日昨外城巡警總廳札飭各局內開四月二十八日准巡警部督司署現奉堂諭近來京師市面私錢又復出現推原其故皆由於不掛錢幌之烟店蠟鋪以及油鹽雜貨等店兌換銀兩貪圖重利暗買私錢攪入以致屢禁不止現在派員查明外城地面所設不掛錢幌而兌換銀兩之舖共計四百餘家茲將各該店字號開列一律禁止兌換銀兩倘或經人查出定行從重懲罰惟所查各該店舖倘多遺漏仰貴局即將所屬地面之不掛錢幌而兌換銀兩之舖詳細查明列表申覆以便按舖諭示云云

本省新聞

●藩臺牌示○已故直隸候補府經歷賈毓琦家人趙慶稟請回籍路費 牌示查病故人員極眷無力回籍實發路費原定章程如在外府州縣病故以及曾經署缺缺之員概不支給久經照辦在案今該員賈毓琦據稱在省病故但候補已及二十餘年曾否補缺署缺並未聲明所請賞發路費未便率准仰該家人趙慶遵照具覆再行核辦可也母違

●考試法政官班試題○藩署法政招考官班於上月二十六日由毛方伯在堂命題面試到者三十餘員茲將其試題錄左第一問 問諸君此來將以應法政之選必各有其志願之所其在於時務何者為先務之急亦必有所見所知可親切言之將以規其真際焉

第二問 問諸君生平讀經書最解何句何句所讀古文最心賞者何家何篇又上下古今所最心焉嚮往者於古人為何人如試一一舉之

第三問 問諸君求學莫不以當代掌故為最要我 朝列聖相承治法為前代冠今海內競言變法矣自咸豐軍興以來文宗求治於上曾胡諸公戰戰於外其已變法者何事又咸豐以前若嘉慶道光年間國家大政所變法者又何事推而上之順康雍乾四朝 祖宗之順天應人所變法者又何事夫古今無久而不敝之法即無久而不變之法故日窮則變變則通此理之不易者也諸生應有素試舉平日所研究者詳著於篇

選送武備學生出洋○武備學堂現挑德文班學生五名聞不日即寄送德國武備學校學習軍械矣

●小販罰充苦工○省城小販營生每多以抽籤聚賭為事昨府馬號等處地方有數小販抽籤聚賭被巡警拘去罰充苦工數點鐘從寬釋放嗣後犯者當知所警矣

天津商務印書館

告廣書區科教新最

本館編訂初等小學堂高等小學堂中學堂初級中學堂各級教科書... 各種新書... 各種新書... 各種新書...

電話五百二十六號

中西地名合璧表出版

地籍科之要務... 地名之重要... 本表合璧中西地名... 凡欲購者請向本館接洽...

嚴又陵先生政治講義出版

嚴先生之政治學... 治學之精... 凡欲購者請向本館接洽...

商務印書館初等小學國文教科書十冊出全

是書於甲辰年出版... 凡欲購者請向本館接洽...

天津高等學堂招生廣告

本學堂創設五載... 凡欲入學者請向本學堂接洽...

廣萬和告白

本號自運洋貨... 凡欲購者請向本號接洽...

商務官報第四期閏四月初五日出版

本局自開張以來... 凡欲購者請向本局接洽...

新教育學

全七冊... 凡欲購者請向本館接洽...

東亞普通讀本

凡欲購者請向本館接洽...

科學儀器藥房具批發

凡欲購者請向本館接洽...

園茶仙天

凡欲購者請向本館接洽...

園茶芳繪

凡欲購者請向本館接洽...

園茶觀大

凡欲購者請向本館接洽...

樓酒西中春林上

凡欲購者請向本館接洽...

白告行洋金五生瑞

凡欲購者請向本館接洽...

本埠出口輪船期

凡欲購者請向本館接洽...

遺失招領

凡欲購者請向本館接洽...

白告要緊看請

凡欲購者請向本館接洽...

本埠出口輪船期

凡欲購者請向本館接洽...

各省新聞

政事

○蘇臬批示金銀制錢估價辦法 震澤縣楊新甫大令以嗣後失贓銅元應否照被竊之時當地銀市價值估計抑另定劃一數目及制錢估價應否一併咨部另議等情通稟各憲請示辦法經臬司朱廉訪批云查金銀制錢估價之法係欽奉諭旨部議頒行章程天下一律何能擅議更與各省鼓鑄銅元本為補制錢之不足迭奉部文與制錢一律行用不當稍有區別估價與制錢一律其理甚明何待請耶若如該縣所請則黃金市價每兩值銀三十餘兩又將若何估計倘請咨部通行則市價隨時漲落亦請隨時通行耶且各省價值不一又將若何至竊盜贓重人犯於新律內酌量核定已奉刑部於變通竊盜條款案內奏明咨行飭遵在案現亦毋庸議云 (江蘇)

○續考警察學生 蘇垣警察兵學生前已卒業現該學堂長王折俊司馬議再續取百人進堂肄業以兩箇半月為期期滿後派充巡捕即將現下之各捕撤回此項兵士不招外人即傳前考列備取之五十名並令七路總察在案捕中擇年壯識字者各保送若干名於二十五日一併齊集警察學堂聽候考驗挑選 (江蘇)

○飭查武員匪情事 江督周玉帥訪得前帶鹽捕營之孔子元都戎有串通匪徒伴縱容子姪輩領私結黨為匪等劣迹因咨請蘇撫札飭藩臬兩司查明詳復嗣以兩次飭查尚未復到故特加催迅速查復漢方伯朱廉訪業已會飭該營劉統領體乾詳細查明以便稟復矣 (江蘇)

○飭屬造報教堂清冊 鎮關道陶觀察以教案之由來原於保護之不力而保護為難之故原於不知境內實有教堂若干某教堂設於某處茲特飭屬將城鄉教堂編造清冊呈報道轅立案備查 (江蘇)

○密查匪情 皖撫恩中丞以近日江西匪徒蠢動輒竄入皖界其情形多傳聞異辭日前因密委候補知縣梁大令鴻勛前往贛皖交界地方探聽確情據實稟報 (安徽)

○考試法政學生 甬郡孝廉堂前由郡紳稟准改為法政學堂已由府尊諭應三太守出示招考嗣復推廣章程以宏造就又經太守續行出示凡有職人員均准一律考試各在案茲定期間月初二日甄別各員特懸牌示令各學生等於是日齊集法政學堂命題試 (浙江)

▲學務

○特別獎賞畢業生出身 學堂畢業後出身章程原奏稱生員作為舉人惟舉人畢業後不得作為進士等語此次山西西齊乙班畢業生賈映南君係丁酉舉人聞學部議定於覆試後給予實官留部錄用惟此後各學堂不得援為定例因西齊本英人賠款所立故一切章程皆歸特別辦理云 (山西)

○私立學堂之進步 鄧州官立學堂類皆有名無實所有教習亦多不諳學務四鄉所立高等小學堂四所係黃彭齡李登

▲軍務

○皖撫札巡防新軍統領文 (為派兵防堵事) 為札飭事照得建德縣屬源頭等縣與江西彭澤德化湖口鄱陽都昌樂平德興等縣毗連自西至東約七八百里崇山峻嶺聲氣難通其建德婺源兩縣與鄱陽樂平不處接壤民風強悍尤險要亟應派撥巡防新軍二旗扼要駐紮上下梭巡不致有隔閡疎虞之患除咨會皖南鎮鎮經札建德婺源兩縣各縣地方官一體會同防堵外合特札飭札到該統領即便遵照督帶兩旗刻日馳往建德婺源兩縣三縣扼要駐紮相機防堵務須督飭

管帶率調開差紀律嚴明秋毫無犯如違重究不貸仍將程起日期報查此札 (安徽)

○擬設隨營學堂 江西常備軍向無隨營學堂現在該軍協統李軍門瑞興與統領劉君槐森擬竭力舉辦此事聞已籌有的款口內即可開辦 (江西)

▲財政

○通融辦理捐輸 豫省舉行新政奏請開辦勸捐獎各捐奉旨允准由戶部通行各省並擬通融辦法所有部照照例銀兩統照賑捐章程徵兌云云頒行到鄂聞已由督憲張督保通飭遵照矣 (湖北)

▲路礦

○彈壓汴洛鐵路 汴洛鐵路業已修築惟路段綿長非多派委員彈壓不足以資保護總辦丁觀察因稟請派員相助為理撫憲瑞中丞特札委饒大令祖蔭襄同彈壓大令業已奉札不日即可到差矣 (河南)

○擬設煉礦廠 鄂督張督保以鄂省礦產甲於鄰封迭次委員分途查勘惟探得礦苗即應煉提明所以便擇要開採擬於漢陽鐵政局附設煉礦廠一所以資研究而裨要用云 (湖北)

○派員查勘礦產 平樂府富川縣屬等處礦產富饒前經督辦礦務公司周觀察委員往勘尚未回鄂現林中丞又派營務處會辦鄧觀察親往查勘因該縣匪蹤遍地頗有戒心因特請派統領派常備軍一哨護衛起程云 (廣西)

○節錄留學生上演習書 (為演練鐵路事) 騰越旅居北京學生李日瑛留學日本振武學校學生李根源近為滇緬鐵路事上書滇督署謂近日訪聞此路已經主持自辦需款四百萬兩由滇川鐵路公司撥給一半餘由滇西紳商認認云云然現在各處公款搜羅難獲萬一西紳認股不能踴躍則總公司所撥給不足以敷全功勢不能不稽遲時日今緬界之土功已竣鋪設鐵軌指顧間事緬界之路既成則騰界毗連之路線豈能久延究其終極恐不過以數百萬股本博一中英合辦之美名而終必為英人攫去矣

今日騰越所處之地位實有牽一髮而動全身之勢滇南之路權既失誤於法人若更由西路以延英人竊恐子盾我矛英法之利害從此衝突而滇省亡矣故總公司於此全省鐵路應歸其權力支配之下但有緩急不能分主客也

總公司之定議既明則請言秩序所謂秩序即酌合情勢維持公司於不敝是也以全路所需二千餘萬之巨款僅恃鹽糧煙酒等正項雜捐過年計費程功則全路二千餘里將費時不止十餘年是籌款之法宜注重於餘利招股二者謂宜師成滇清部徵集之意先擇一用費少而見效速之短路以為試驗而具此試驗資格之短路計今實在騰越騰越之路不可再失一言以蔽之曰成此路之責任實在總公司而已云云 (雲南)

▲實業

○農業學堂調查土產 鄂省農業學堂現擬開試驗場因特將全省土產調查明晰以資參考前經坐辦屈君等就近向漢口各行調查未能完備故又飭各學生於年假回里時順將各處土產詳細調查彙集成冊以便實驗 (湖北)

○派員修理鹽田 粵省自去冬以來雨多晴少各處鹽田已經失收交春以後又被海潮沖決收成更屬無望且非認真修復不能濟用運司恩都轉特派委員前赴西場電茂一帶查勘各鹽田估計修復費共需銀十八萬兩現都轉稟明督憲撥撥庫款八萬兩派派辦辦義興兩員乘坐鎮東輪船前往督修即派該輪運送物料并飭該該委員等如果工堅料實款不虛糜即將該員坐升場官如有偷減工料情事定行嚴究云 (廣東)

▲雜紀

○臬匪就擒 蘇垣水陸各營總稽查即總戎桂林特統師船親往各處巡緝臬匪一節畧誌前報茲悉總戎在太湖附近巡見匪船攻擊良久當將展拿不獲之著名積臬董小必發一名擒獲次日又獲餘匪四名均係董道富之黨羽因飭副中營鍾大令鴻勛飛划右營米干戎占元率領砲船多艘先行押解來省當奉陳中丞飭交發審局嚴訊聞不日即須請令正法鍾米二營帶同即赴松江一帶巡行 (江蘇)

○蕪湖巡警局紳士崔有泰稟 (前略) 巡警之設係保衛地方之治安非徒作紳士之護衛該職之既出過外洋抄有美國警察何以於此等公益之事茫然不知權限但欲自便私圖實堪詫異且紳士對於本省官長無論會居何職均屬部民官府向無將公牘用移文知部民之件爾父繼或年老糊塗不知體例爾何得希希餘餘陰謀將公事移知試問該職之父去官以來曾接過地方官移文幾次乎本督辦於轄境紳商多從優待然賢者固當表式閭閻之敬不肖者亦當嚴越姐之防該職請將公事移知之處殊屬荒謬用特嚴詞批斥以儆其後云云 (安徽)

○金華匪徒聚眾滋事 金華內地匪徒日衆前經永康縣趙蓮生大令懸賞嚴拿匪踪悍悍目應仲杰彼時稍知匪迹適因郡中迭肇事端府尊適將解組故又乘機而起在東陽義烏一帶肅聚肆掠聞共糾黨七八千人之多其勢甚為洶湧 (浙江)

○批准彩票增添票額 湖北籤捐彩票銷場暢旺刻該局總辦寶觀察稟明督憲擬於五月份起加票一萬張以資銷售等情已經張督保批准飭遵矣 (湖北)

○革員伸訴冤抑 前任雲夢縣典史史悠森因在該縣辦理衙田不善被向大令呂甲通稟督憲張督保奏奉車職日前該典史具稟各大憲伸訴冤抑并有欲晉京運動之說然既名登白簡難以挽回竊恐徒勞無益也 (湖北)

○派生開演說會 涪州風氣漸開非極力開導不足以開通民智分州史則駕特委辛業師範生鄭柏森君分往各場演說辦學宗旨及農學天足戒煙等利益先於四月朔就分城城隍廟開會演說一時聽者無不鼓舞興起云 (四川)

[illegible]